

Stjórnarfundur 19. febrúar 2018

Mættir: Hjörtur Bergstað, Svafar Magnússon, Sigurlaug Anna Auðunsdóttir, Krístrún Ágústsdóttir, Leifur Arason, Heiðrún Sigurðardóttir og Þórir Örn Grétarsson.

Málefni tekin fyrir:

1. Neðri-Fákur

Fyrirhugað er hjá Reykjavíkurborg að láta fjarlægja hluta af húsunum í Neðri-Fáki. Ekki er þó búið að taka ákvörðun um að hversu miklu leyti og hvenær á að fjarlægja þau. Stjórn Fáks vill reyna að halda í húsin þarna áfram svo framarlega sem þau eru í notkun.

2. Reiðvegir

Unnið er að því að fá fjármagn í að klára reiðveg frá Rauðavatni upp á Hólmsheiði og leggja reiðveg framhjá Bólta. Einnig verður gerð tenging frá reiðveginum upp á Hólmsheiði inn í Almannadal. Búið er að fá leyfi fyrir reiðveginum framhjá Bólta hjá íbúasamtökum Norðlingaholts og jarðareigandanum.

3. Framkvæmdir

Rætt um framkvæmdir í félagsheimilinu og TM Reiðhöllinni.

4. Auglýsingar

Í haust var gerður samningur við aðila um að safna auglýsingum fyrir LM2018 og Fák. Auglýsingar vegna Fákisblaðsins eru loksins farnar að berast.

5. Lóðasamningar á Fákssvæðinu

Erfiðlega gengur að ganga frá sölum á lóðum í Almannadal þar sem aldrei hefur verið gengið endanlega frá úthlutunarferlinu. Fulltrúar Fáks munu ganga í það að koma þessu á hreint og þrýsta á Reykjavíkurborg að klára ferlið um leið og breytingar á deiliskipulagi verða lagðar fyrir.

Hjörtur ásamt Sigurbirni Magnússyni munu funda með fulltrúum Reykjavíkurborgar um stefnu borgarinnar varðandi framlengingu lóðaleigusamninga í Víðidal og Faxabóli.

6. Verðlaunasafn Sigurbjörns Bárðar

Fákur á í viðræðum við LH og Sigurbjörn Bárðarson varðandi fyrirætlanir um verðlaunasafn Sigurbjörns.

7. Fjármál

Rætt um fjármál félagssins. Krístrún gjaldkeri spyr um uppruna ógreidds reiknings frá BM Vallá. Reikningurinn er vegna stepu sem Fákur fékk gegn því að BM Vallá fengi að auglýsa á Fákssvæðinu.

Berglind Ragnars er að vinna í ársuppgjörinu og er von á því í vikunni skv. nýjustu upplýsingum.

Berglind Ragnars hefur boðið vanan starfsmann í hlutastarf við bókun reikninga hjá Fáki. Stjórn samþykkir að fá þann starfsmann til reynslu í einn mánuð með fyrirvara um uppsett verð.

Starfsmaðurinn mun vinna eftir verklýsingu sem Krístrún og Leifur setja saman.

Fleira ekki tekið fyrir og fundi slitið



Heiðrún Berg